

8
7
6
5
4
3
2
1
0

8
7
6
5
4
3
2
1
0

1曾12
6
93

說
郭

正
九
十
七



12
6
93

漁陽石譜

宋 漁陽公

牛僧孺好石石有一品遠近代士大夫如米芾亦好
石除知無爲軍郡宅有怪石芾具公服拜之呼爲石
丈時人誚之不恤也及研山一名喜嶺上有一天池
不假凡水可以濡筆天壤間奇物也東坡好石獲一
石於喜口民家名曰喜中九華謂九華之體而小也
元章相石之法有四語焉曰秀曰瘦曰雅曰透四者
雖不能盡石之美亦庶幾云仍疏平生所見奇石如

后



宣和石譜

宋 常懋

神運昭功

右二峰甲品獨神運峰廣百圍王錫爵盤固候居艮
嶽道中束石爲小亭以庇之高五十尺鄉雲萬熊奇
峰

冥萼綠萃堂

石甲乙焉品第悉與錫號守吏以奎畫刻于石之陽
惟神運峰前諸石以金石其字餘皆青黛而已

朝昇龍 望雲坐龍 捷霞 萬壽老松

御日 捄參 吐月 排雲

衡斗 雷門 月窟 蹲豹

噏 坐獮 堆青 凝碧

金鰲 玉龜 叠翠 獨秀

曳烟 蕉雲 風門 雷穴

玉秀 玉寶 銳雲 巢鳳

登封 日觀 蓬瀛 須

老人 稱 索星 慶雲

瑞靄 溜玉 噴火 叠玉

聚秀岩 舞仙 玉麒 南屏風

伏犀 怒猊 儀鳳 烏龍尾

拔秀 凝翠 留雲 宿霧

藏燕谷 搏雲屏 積雪 滴露岩

抱犧 桂岩 太平岩 玉京獨秀



太湖石志

吳 范成大

太湖石

石出西洞庭多因波濤激礪而爲嵌空浸濯而爲光瑩或縵潤如珪瓚廉劙如劍戟矗如峰巒列如屏障或滑如肪或黝如漆或如人如獸如禽鳥好事者取之以充苑囿庭除之翫

石生水中者良歲久波濤衝激成嵌空石面鱗鱗作厯名曰彈窩亦水痕也扣之鏗然聲如磬

龜山石

石堅潤可碑可礎可柱可礪

一名旱石蘇州志云堅潤如玉擊之有聲刻碑惟此最佳用之壓堵世亦罕比

小洞庭

在龍山之南有石如七十二峰

綺里東南五里坼村山路臨水一石青綠色周二十餘步上有峰七十二因名

雞距石

龜山之下有如鳥立者

神鉦石

林屋洞中有若鐘鼓扣之其聲清越

石板

在石公山下平坦可坐數人

鷹頭石

縹渺峰上有如鶩鳥峙

玄龜石

霄漢嶺南有若龜者

石屋

龍頭山側多嵌空如屋

龍舌石

新安保之西有石長而銳者

石壁

東洞庭豐坼之南有大石若屏柳毅所扣也

僊人石

寒山西岸有若踞坐趺跡宛然

龜殼石

龜山之下有若蹣跚見水面

舟人往來恐有觸突之患故語云東抵龜殼西抵

龜山兩舟連網慳過中間

蟹殼石

二鼈之南有若龜殼而小

龍牀石

石公山下有若牀者

諺云石蛇一半露龜頭微微出行舟見兩山下有

龍牀沒

相貝經

漢 朱仲

黃帝唐堯夏禹三代之貞瑞靈奇之秘寶其有次此
者貝盈尺狀如赤電黑雲謂之紫貝素質紅黑謂之
朱貝青地綠文謂之綬貝黑文黃蓋謂之霞貝紫愈
疾朱明日綬清氣障霞伏蛆蟲雖不能延齡增壽其
禦害一也復又下此者鷹喙蟬脊以逐溫去水無奇
功貝大者如輪文王得大秦貝徑半尋穆王得其殼
懸於觀秦穆公以遺燕鼃可以明目遠察宜玉宜金

南海貝如珠礫或白駿其性寒其味甘二水毒浮貝
使人寡無以近婦人黑白各半是也濯貝使人善驚
無以親童子黃脣點齒有赤駿是也雖貝使病瘡黑
鼻無皮是也臙貝使胎消勿以示孕婦赤帶通脊是
也慧貝使人善忘勿以近人赤熾內殼赤絡是也營
貝使童子愚女人淫有青脣赤鼻是也碧貝使童子
盜脊上有縷句脣是也雨則重霽則輕委貝使人志
強夜行伏迷鬼狼豹百獸赤中圓是也雨則輕霽則
重

緯畧云師曠有禽經浮丘公有鶴經雖相畜亦有
牛經馬經狗經下至蟲魚有龜經魚經唯朱仲所
傳貝經恠奇甚朱仲受經於琴高

相手板經

闕名

相手板法出蕭何或曰四皓初出殆未行世東方朔見而喜之曰此非庸人所至衛司空陳長見此書歎服以示許士宗韋仲將

板首尾取五行尋四時定八節明二十四時百不失一

板長一尺五寸廣一寸五分上狹而薄下廣而厚八角十二芒並無欹端平板形皆完淨合法者吉不合

相手板經

一

者凶

板凶小吉多者可用吉少凶多者不可用
舊用白直檀刺榆桑初四林也番當令理通直從上
至下直如絃不得出邊絕理

板頭是君座板頭與君共事必不得中分

板作四分座一分爲二親左爲父右爲母第二分都

爲婦第三分左爲男右爲女左爲奴右爲婢

板第四分爲田宅財物牛馬猪羊雞犬之屬以五行
十二時分若其處崩毀傷踢破裂弔節蝎穿兆隨所

屬物必損失死亡

板兩邊左爲城右爲社寬博文彩班班光澤清淨必
得封邑

帶格

宋 陳隨隱

格三十二

笏頭一字

王外執政兩府

笏頭毬絞

宰執

排方御仙花

正侍郎知閣節使

螺犀

權侍郎

絲頭荔枝

正任副使橫行

毬路

內侍

海捷

幕士
輦宮

剔梗荔枝

快訓武郎下

柘枝

親從隨龍

太平花

忠佐茶酒

碎草

班

師蠻

人仙

犀牛

寶甄

行虎

戲童

寶相

胡荽

鳳子

野馬

雙鹿

方勝

雲鶴

坐神並班直

天王親官事

行獅

御行門

行鹿

御駁厨

盤鳳

翰林司

凹面

教坊

醉仙

御龍直

獐鹿

軍頭儀鸞司

三品以上玉四品以上金餘並金塗銀錯

班金塗銅

六兩爲斤

謂八百十四銖准易文

三十斤爲鈞

重萬有一千五百二十銖當二篇之數

四鈞爲石

准四營之數

令文調鍾律則景合藥劑制

官則准式用之餘悉用大者謂一尺二寸爲一大尺

三斗爲一大斗三兩爲一大兩

古人以度定量以量定權必叅相得然後黃鍾之曆可求八音五聲從之而應也國朝皇祐中阮逸胡瑗累黍定尺旣大於周尺姑欲合其量也然竟於權不合乃謂黍稱三兩已得稱一兩反疑史書之誤及韓忠獻公丁文簡公詳定知阮胡之失然莫能以三品

參相攷也先是范蜀公論曰樂者和氣也發和氣者音聲也音聲生於無形故古人以有形之物傳其法俾後人參攷之有形者何秬黍也律也尺也龠也輔也斛也算數也權秤也鐘也磬也是十者必相合而不相戾而後爲得也是謂以秬定三品則十者無不該三者尺爲之本周尺也者先儒攷其制脗合者不一至宋景文公取隋書大業中歷代尺十五等獨以周尺爲之本以攷諸尺韓忠獻公嘉祐累秬尺二其一亦與周尺相近頃者司馬備刻石存此尺樣蓋溫

三器圖義

宋 程週

敘曰天地肇判陰陽攸分六位時成萬物形著是故體有長短所以起度也壽有多寡所以生量也物有輕重所以用權也是器也皆准之上黨羊頭山之秬黍焉以之測幽隱之情以之達精微之理推三光之運則不失其度通八音之變則可召其和以辨上下則有品以分隆殺則有節凡朝廷之出治生民之日用未有頃刻不資焉者也歷考往古如虞舜垂重華

之典周公作太平之書孔子欲行政於四方孟軻欲揆敘於萬類舍是則何以哉嘗見有司頒禮既謬誤而莫知先儒談經又濶畧而未講於是采歷代之制載籍之文而述度量衡三品圖義焉淳熙十年閏十一月丁酉序

古者度以北方秬黍中者一黍之廣爲分十分爲寸十寸爲尺十尺爲丈十丈爲引量容一千二百黍爲龠謂十二株二龠爲合謂二十四株十合爲升十升爲斗十斗爲斛碩權以百黍之重爲銖二十銖爲兩謂兩黃鍾之律十

國文正公舊物也苟以是定尺又以是叅定權量以合諸器如挈裘而振其領其順者不可勝數也

度周官典瑞云璧羨以起度注云羨不圓之貌蓋廣徑八寸廣一尺漢書律曆志說見存前蔡邕鄭康成杜夔荀勗本字諱呼玉切所論尺有增損始終校大樂八音不知後漢至魏尺長於古四分有餘勗乃爲劉恭依周禮制尺所謂古尺也是以古尺更鑄銅律調叶聲韻後汲郡盜發六國時魏襄王冢得古周時玉律及鐘磬爲新聲闇同于時郡國或得漢時故鐘吹律勗

以合之其聲皆應時人稱爲精密武帝以荀勗律與周漢器合遂施用之勗去千載之下推百代之上法度既合聲音又諧亦可謂密切而有證也

一周尺漢劉歆銅斛尺後漢建武銅尺荀勗所定而晉前尺祖冲之銅尺並同近年司馬備刻周尺漢劉歆尺晉玉尺今圖于後備之云高敏之以漢錢五物參校尺同先是嘉祐中韓忠獻公丁文簡公累黍尺二條其一亦與周尺相近

二晉田父玉尺梁法尺實比周尺一尺七釐

三梁表尺實比周尺一尺二分二釐一毫有奇隋時姑用水尺而定律呂大業中更韶用梁表律調八音之器

四漢官尺晉時始平掘得古銅尺實比周尺一尺三分七釐晉荀勗旣定晉前尺惟阮咸譏其聲則悲非興國之音迺古今尺有長短所致也後始平掘地得古銅尺不知所出何代果長勗尺四分時人咸服其妙而莫能措意焉宋景文公謂時人掘地得尺乃破周漢之二器亦近夫貴耳賤目者也

五魏尺實比周尺一尺四分七釐卽杜夔所用
六晉後尺實比周尺一尺六分七釐晉氏江東所用
者

七後魏前尺實比周尺一尺二寸七釐

八中尺實比周尺一尺二寸二分一釐

九後尺實比周尺一尺二寸八分一釐卽隋開皇官
尺謂之鐵尺及後周市尺

十東後魏尺實比周尺一尺三寸八毫

十一蔡邕銅籥尺後周土尺同實比周尺一尺一寸

五分八釐

十二宋氏尺錢樂之渾天儀尺後周鐵尺同實比周
尺一尺六分四釐

後周時達溪震等議令勘周漢古錢大小有合宋氏
渾儀尺庶無舛者古黃金方寸重一斤今鑄金校驗
鐵尺爲近司馬備刻宋尺後周尺又云太常寺樂律
尺少府監祭器景圭渾儀尺皆同實比周尺一尺五
分

十三隋萬寶常水尺實比周尺寸八分六釐

十四雜尺實比周尺一尺五分趙劉曜渾天儀土圭
所用者

十五梁朝俗間尺實比周尺一尺七分一釐

五代周王朴律准尺比周尺一尺二分有奇

本朝和峴景表尺比周尺一尺六分有奇

阮逸胡瑗皇祐樂書黍尺比周尺一尺七分

韓忠獻公丁文簡公校阮胡尺令尺匠石素等再累
到尺二條其一比周尺一尺三分五釐

司馬備刻三司布帛尺一尺三寸五分

頃年禮部頒祭祀儀式畫到造化器尺比周尺一尺
三寸二分

量考工記稟民爲量深尺內方尺而圜其外其實一
輔註云六斗四升爲輔漢書律歷志說見前

廻以考工記輔法積百萬分乘除布等則龠爲七百
八十一分二釐五毫實黍千二百合爲子

五百六合爲千五百六十二分五釐實釐二千四百
升爲萬五千六百二十五分實釐二萬四千金爲億
分實黍百五千三萬六千太元數目凡七十有八黃

鍾之數立焉正與此合於是見阮胡龠合升斗皆大而鄧保信林億等皆小權周禮玉人云駔騮五寸宗后以爲權注駔讀爲組繫之因名焉鄭司農云以爲堅以起量駔騮七寸鼻有半寸天子以權注以爲權故有鼻也漢書律歷志總見前

唐志武德四年鑄開通元通積錢十錢重一兩計一千重六十斤四兩蘇冕曰今錢爲古珍七銖以上比古五銖錢則加重二銖以上廻謂一

大兩爲七十二銖卽一錢爲七銖畸十分銖之二則如鑲
所謂三兩爲一大兩者可無疑矣
皇祐新樂圖有銖秤其圖幹上分二十四銖爲一兩止一面有星一繫一盤如民間金銀等子者其鍾形如鑲

寶記

闕名

五寶八寶

唐開元中李氏者嫁于賀若氏夫卒爲尼號曰真如其行高潔天寶元年七月七日忽于寺庭見五色雲墜眎之一囊中有五物真如藏之祿山亂真如流離楚州安宜縣肅宗元年建子月十八夜真如爲神人召往化城見天帝授以八寶俾獻于朝以消沴氣真如乃并前得五寶皆獻之

玄黃天符

長八尺闊三寸形如笏上圓下方近圓有孔黃玉也
色比蒸粟澤若凝脂可以辟人間兵疫之氣

玉鷄

毛文悉備白玉色王者以孝理天下則見

穀璧

亦白玉也徑五六寸其文粟粒自生非雕鑄之迹王
者寶之則五穀豐稔

如意寶珠

大如雞卵而圓正光色極瑩置室中明如滿月

紅靺鞨

大如巨栗赤爛若朱櫻眎之若不可觸而觸之甚堅
不可破

琅玕珠

形如環四分缺一徑可五六寸許

玉印

大如半手其文如鹿陷之印中着物則形見

皇后採桑鉤二枚

各長五寸其細如箸屈之似金似銀又似銅

雷公石二枚

形如斧長可四寸闊二寸無孔膩如青玉諸寶置之
日中則光氣連天旣進肅宗已被疾召代宗曰汝自
楚王爲太子今天賜寶于楚州天祚汝也宜保之代
宗受賜即日改年寶應旣監國賜真如號寶和改縣
爲寶應自是兵革消息海內小康亦其應也

三代鶴器錄

唐 吳協

商鼎

文王鼎

周公鼎

周姜鼎

虢姜鼎

晉姜鼎

伯姬鼎

鄭伯姬鼎

孔文公鼎

魯公鼎

宋公鼎

單岡鼎

宋君鼎

宋君夫人鼎

東官方鼎

得鼎

庚鼎

乙鼎

大鼎

始鼎

樂鼎

癸鼎

辛鼎

趙鼎

龍鼎

陀東

東官鼎

盤鼎

公緘鼎

子斯鼎

子吳鼎

師寢鼎

父乙鼎

叔夜鼎

季嬪鼎

父癸鼎

父甲鼎

父丁鼎

蟬文鼎

龍生鼎

召夫鼎

師毀敦

師毛敦

師寢敦

周姜敦

周虞敦

應侯敦

屈生敦

仲駒敦

孟金敦

刺公敦

叔柶敦

虢姜敦

散季敦

仲酉敦

冀師敦

龍敦

屢敦

始敦

何敦

尹敦

牧敦

戩敦

周敦

周公彝

召公彝

周公彝

內史彝

魯侯彝

荆彝

伯宗彝

楚公彝

沈子彝

膚伯彝

司空彝

欬姬彝

仲舉彝

单從彝

品伯彝

單固彝

交父彝

楚王盞彝

季嫻彝

父癸彝

祖乙彝

父乙彝

父丁彝

父己彝

父辛彝

母乙彝

師船彝

仲父彝

商彝

五彝

伯彝

飲彝

麌彝

形彝

尹彝

應彝

亞彝

伊彝

仲父彝

小子師彝

庚父鬲

高姜鬲

書鬲

父子鬲

父己鬲

毛乙鬲

乃子鬲

母鬲

虢叔鬲

莫敖鬲

寶德鬲

聿遠鬲

伯鬲

許子鍾

粵鍾

商鍾

元子鍾

走鍾

遲父鍾

南和鍾

分寧鍾

許子小鍾

孟和鍾

召公尊

朝事尊

帛子尊

魚尊

叔寶尊

虎尊

父戊尊

祖戊尊

祖辛尊

中尊

太甲尊

父丁尊

商從尊

父癸尊

父辛尊

庚爵

父庚尊

丁青爵

商爵

父戊爵

祖己尊

父己爵

己舉爵

已爵

舉爵

篆帶爵

父乙爵

祖乙爵

伯爵

飲爵

觶爵

父甲爵

主人舉

癸舉

父辛爵

叔高簋

師冥簋

師奕簋

張仲医

劉公医

太公医

子斯医

史黎医

姬寢医

姬寢豆

单疑豆

仲虔洗

仲虞洗

田季匜

寒戊匜

叔匜

杞公匜

義母匜

張伯匜

季姬匜

季毫匜

祖戊匜

齊侯匜

邛仲盤

伯蓋盤

壽盤

史孫盤

邛仲盦

伯蓋盦

應婦甗

周陽侯甗

仲信甗

郤甗

孟嫗甗

父己甗

庚甗

飲甗

伯溫甗

冀舟師

師淮卣

周卣

冀卣

母辛卣

兄癸卣

母乙卣

父甲卣

祖癸卣

父己卣

祖戊卣

王伯蓋

趙蓋

諸友盃

伯玉盃

沈子盃

季毫盃

父丁盃

茲女觚

甲子觚

平周缸

窖磬

丁舉甌

伯索孟

熙之筏

同

武安金

輶家金

鼎錄

梁 虞荔

昔虞夏之盛遠方皆至使九牧貢九金鑄九鼎於荆山之下于昆吾氏之墟白若甘攬之地圖其山川奇怪百物而爲之備使人知神姦不逢其害以定其祥鼎成三足而方不炊而自沸不舉而自藏不遷而自行九鼎旣成定之國都桀有亂德鼎遷于殷載祀六百殷紂暴虐鼎遷于周成王定鼎於郊廟卜世三十卜年七百天所命也及顯王姬德

大衰鼎淪入泗水秦始皇之初見於彭城大發徒出之不能得焉

金華山皇帝作一鼎高一丈三尺大如十石甕像龍騰雲百神螭獸滿其中文曰真金作鼎百神率服複篆書三足

漢孝景帝鑄一鼎名曰食鼎高二尺銅金銀雜爲之形若瓦甌無足中元六年造其文曰五瑞是滋君王膳之小篆書

武帝登泰山鑄一鼎高四尺銅銀爲之其形如甕有

三足太始四年造其文曰登于泰山萬壽無疆四海寧謐神鼎傳芳大篆書

元鼎元年汾陽得寶鼎卽吾丘壽王所識之鼎高一丈二尺受十二石雜金銀銅錫爲之四面蛟龍兩耳能鳴三足馬蹄刻山雲奇怪之象紀靈圖未然之狀其文曰壽考天地百祥臻侍山伏其靈海伏其異此銘在底下又別有銘或浮或沉皆古文複篆此上古之鑄造也總有九枚

昭帝元平元年於藍田覆車山鑄一鼎高三尺受五

斗刻其文曰宜君王和四方調滋味去腥傷小篆書

三足

廢帝賀以天鳳六年登位廢爲海昏侯鑄一小鼎貯酒其形若甕四足受二斗其文曰長滿上小篆書宣帝甘露元年於華山仙掌鑄一鼎高五尺受四斗擬承甘露刻其文曰萬國伏貽長久鑄神鼎承天酒三足小篆書又建章宮銅人生毛以爲美祥作一金

鼎埋之本宮

元帝初元一年鑄一鼎大如甕無足其文曰黃帝膳

小篆書

成帝綏和元年匈奴平鑄一鼎其文曰寇盜平黃河清八分書三足高五尺六寸

哀帝元壽元年鑄一鼎貯酒高四尺三足其文曰羣臣元日用醴鼎小篆書

平帝元始五年鑄一鼎受二斗其文曰藥鼎三足八分書

王莽建國元年鑄一大鼎高一丈其文曰建國鼎莽自書埋之漸臺又作一鼎其文曰君臣之鼎並小篆

鼎錄

三

書三足

後漢光武建元元年鑄一鼎其文曰定天下萬物伏小篆書三足高九尺

明帝永平十年鑄一鼎於洛水高六尺其文曰蛟龍伏大篆書三足又鑄一鼎於穀水高五尺其文曰穀洛小篆書四足

章帝元和二年於北嶽鑄一鼎高四尺無足其文曰鎮地鼎小篆書

安帝延光四年鑄一鼎於少室山其文曰承露鼎小

篆書四足

順帝永建六年鑄一鼎於伊水名曰魚鼎高四尺三足

靈帝嘉平元年鑄一大鼎埋之鴻都門其文曰儒鼎古書三足

漢官儀曰開陽門夜直樓上帝因作一鼎其文曰柱鼎一足如馬蹄

蜀先主章武二年於漢川鑄一鼎名曰克漢鼎埋之丙穴中八分書三足又鑄一鼎沉於永安水中紀行

軍奇變又於成都武擔山埋一鼎名曰受禪鼎又埋
一鼎於劒口山名曰劒山鼎並小篆書皆武侯迹又
時龍見武陽之水九日因鑄一鼎像龍形沉水中
蜀章武三年先主作二鼎一與魯王文曰富貴昌宜
侯王一與梁王文曰大吉祥宜公王竝古隸書高二
尺

魏武帝鑄一鼎於白鹿山高一丈紀征伐戰陣之龍
古文篆書四足更作鼎於太子名曰孝鼎畫刻古來

孝子姓名小篆書

文帝黃初元年鑄受禪鼎其文曰受祚鼎小篆書
明帝太和六年鑄一鼎三足名曰萬壽鼎小篆書
吳孫權黃武元年於彭蠡水沉一鼎其文曰百神助
陽侯伏三足大篆書又獵於樊山見一姥問得何獸
答曰得一豹曰何不截尾遂爲姥立廟并作一鼎文
曰豹尾鼎

孫亮建興元年於武昌鑄一鼎其文曰鎮山鼎小篆
書三足

孫皓鑄一鼎於蔣山紀吳之曆數八分書

晉懷帝永嘉六年鑄一鼎沉於瓜步江中無文字鼎似龜形

宋王劉裕晉永初三年從秦中還紀功鑄一鼎於九江其文曰沸秦洛伏大漢古篆書

宋文帝得鰐魚遂作一鼎其文曰鰐魚四足

順帝昇明元年有人於宮亭湖得一鼎上有古文洵漠二字

齊高祖諱道成於齊中池內見龍聞簫鼓聲遂埋一鼎其文曰龍鼎真書三足

梁武帝大通元年於蔣山埋一鼎文曰大通真書又鑄一鼎書老子五千言沉之九江中並簫子雲書又天監二年安豐得一角靈龜武帝遂作一鼎投得龜處

陳武帝卽位鑄一鼎文曰元勲鼎沉于淛江

陳宣帝於太極殿中鑄一鼎文曰忠烈常侍丁初正書

太公於渭水得玉璜鑄一鼎刻其文曰璜鼎

秦丞相樗里子作一鼎文曰智囊獨足古文大篆書

荀況在嵩溪作一鼎大如五石甕表裏皆紀兵法大篆書四足

張儀伐蜀鑄一鼎高三尺文曰定蜀大篆書
李斯爲丞相鑄一鼎其文曰上丞相鼎埋於上蔡東門

蕭何爲丞相鑄一鼎大如三石甕自表已功其文曰
紀功鼎亦是何自作署書體四足

張陵在雲臺山得仙作一鼎寫丹經埋於雲臺山下
市千秋爲丞相鑄一鼎文曰車丞相鼎八分書

司馬遷字子長南遊探禹穴作一鼎而小記年月日
埋之秦望山

黃霸爲潁川守神雀集遂刻鼎記之

孔光拜丞相鑄一鼎文曰丞相博山侯大篆書

王商爲單于所畏遂令鑄一鼎刻記其功以勸功臣
錫震爲太尉作一鼎其文曰太尉鼎古隸書

胡廣鑄一鼎其文曰孝子鼎八分書

陳太丘鑄一鼎藏于陘山

王允字子師郭林宗見而器之允自鑄一鼎曰千里

八分書

王仲子爲太司徒鑄一鼎其文曰司徒鼎大篆書

王朗爲司空鑄一鼎其文曰司空鼎複篆書

董卓爲太師鑄一鼎其文曰太師鼎古隸書

蔡伯喈爲侍中封高陽侯作一鼎記漢家曆數邕自

書藏于泰山

諸葛亮殺王雙還定軍山作一鼎埋於漢川其文曰定軍鼎又作八陣鼎沉之永安水中皆大篆書又於玄武郡金山作二鼎一大一小竝無文時亮行軍見

此山勢似有王者故鎮之

鍾繇魏文帝賜五熟鼎

吳顧邑鑄一鼎文曰顧元凱之鼎八分書三足

陸遜破劉備軍鑄一鼎紀功其文曰破備鼎

孔愉獲龜放之遂作一鼎刻其文曰孔敬康鼎沉之於水

張衡制地動圖記之於鼎沉於西鄂水中

王羲之於九江作書鼎高五尺四面周匝書遍刻之沉於水中真隸書

錢譜

宋 董道

管子曰湯七年之旱禹五年之水湯以莊山之金禹以歷山之金並鑄幣以救人之困也至周始以金銀爲錢太公立九府圜法始名爲錢錢之形以圓舍方輕重以銖國語注云古曰泉後轉而曰錢食貨志曰禹湯始用金鑄錢周立九府圜法貨寶於金利於刀流於泉布於布束於帛言泉之流布通於水流秦鑄半兩錢漢高祖鑄八銖錢文帝鑄四銖錢武帝鑄五

銖錢又鑄半兩錢又鑄側錢一當五漢興有榆莢錢以前錢難用更鑄榆莢小錢以一當百狀如榆莢王莽鑄貨泉經六分重一銖曰小錢一當十三銖曰法錢一當十五銖曰幼錢一當二十七銖曰中錢一當三十九銖曰壯錢一當四十并大錢一當五十立爲九品漢公孫述鑄鐵錢梁王鑄鵝眼錢食貨志曰貯藏曰泉流行曰布古文錢半兩漢呂后鑄重八銖文帝如周錢重如之其文曰半兩漢呂后鑄重八銖文帝鑄重四銖應劭曰今民間半兩中最小輕者是四銖

錢也漢武帝建元元年鑄重三銖如錢文曰三銖封寅曰三銖又有別銖穿下有三豎文恐以此三畫爲三銖之別銖重三銖文曰半兩今有折二小錢共六樣皆篆文五銖漢武帝元符五年罷半兩錢行五銖錢王莽廢光武復興魏帝黃初二年鑄西晉南朝宋武帝亦鑄小五銖錢謂之帷文帝後魏宣帝魏文帝又有鷄目五銖隋文帝鑄小五銖其制輕小八九萬纔滿半斛唐高祖武德四年廢五銖錢行開元錢今以篆文推之有七樣大五銖錢今有內廓者小五銖

錢亦有內廓者而前文之面後有點兩星大五銖錢無內廓者錢之背有點四星者昔人錢譜引錢合曰五銖又有穿上一星五字上下各一星南朝梁宋名兩柱錢鏤面傍一星至三星者五字之內上下各一星上或有小星字或有五字穿上橫文穿下橫文外四角缺文有廓無廓濶然不可窮盡疑皆當時工人之意非有別於年代今考於古四角缺之有廓無廓自是一種總未嘗考也又封寅曰別有最小五銖文字輕薄未見晉志曰吳興沈克又鑄小五銖錢謂之

沈郎錢是也四道五銖後漢靈帝鑄錢背內廓四角有路抵於外輪漢書云靈帝中平三年鑄四出文錢流布四海

錢譜曰五銖錢有四出道於邊緣俗謂之角錢或謂豈非此錢既成京師將壞而出流布四海乎至董卓焚宮乃刲鑿輿西幸長安悉壞五銖錢矣傳形五銖封寅曰傳形五銖劉備所鑄文字輕重大小與五銖無別但以五字爲五銖字在右謂之傳形今考古蜀嘗鑄矣但不言傳形耳

貨泉王莽所鑄徑一寸重五銖今又有內廓者有重廓者其後光武起舂陵泉鄉文成白水真人是驗其識也大泉五十國語注云王莽鑄大錢五十徑一寸二分重十二銖直如其文今有折二錢又有小鑄亦不多見今見鏤有斗鈫龜蛇之文者未之考也

大泉五百吳王孫權嘉禾五年鑄一當五百文

大泉二千未詳所鑄年代一當二千

大泉當千吳孫權赤烏元年鑄一當千

太平百錢未詳所鑄年代一當百

四銖南朝宋文帝鑄又宋世祖鑄比重四銖

直百五銖南朝梁武帝鑄一當百

布泉陳文帝天嘉二年鑄錢文曰布泉一當百與五銖並行後周武帝寶定元年亦鑄布錢以一當五千有玉筋篆者有柳葉篆文有重廓者董逌錢譜云藏曰泉流曰布又引石氏曰錢徑重四銖懸針書曰自梁武帝以來有之文曰布泉世謂之男錢梁書曰布泉徑一寸重四銖半婦人佩之卽生男也天子頒下詔非勅鑄之錢並不許用敦素疑王莽時鑄亦無

所據後周布泉字皆玉筋與此甚異

大貨六銖陳書宣帝紀曰大建十一年七月辛卯初用大貨六銖隋志曰陳宣帝鑄大貨六銖以一當五銖之十與五銖並行後復當一人皆不從乃相與訛言六銖錢有不利縣官之象徐氏曰謠言大貨六銖有類人父腰哭未幾宣帝崩竟至陳亡嶺南諸州多以鹽米布交易俱不用此錢矣

五行大布後周武帝紀曰建德三年六月壬子更鑄五行大布錢以一當十與布泉並行四年七月又以

邊境之人多盜鑄乃禁五行大布錢不得入四關張合曰小者至徑八分舊錢之文上五下行又有上大下布者皆古篆文永通萬國後周宣帝紀曰大象元年十一月初鑄文曰永通萬國徑一寸三分重十二銖背面肉好又有徑一寸二分半重八銖皆一當十貨永通泉後周宣帝鑄永泉貨以一當十南唐李璟亦鑄大錢以一當十大定錄曰顯德五年七月江南李氏鑄永通錢貨永安五銖

大和五銖後魏獻文帝皇興年中鑄其文曰大和五

銖徑一寸重五銖常平五銖北齊文帝天保三年改鑄其文曰常平五銖徑八分重五銖皆篆文

以上右錢計二十一樣自秦至隋所鑄之錢其錢之大小文之篆籀廓之有無推之共五十三樣董適曰又有所謂異錢雖不見於傳記然制作之近古者今錄之如李唐鑄撒帳錢其文有曰長命富貴金玉滿堂又有忠孝傳家五男二女天下太平封侯拜相之類又博戲之錢背有字皆縵者不及

錄

平錢

開元通寶唐會要曰唐高祖武德四年七月十七日鑄歐陽詢制司及書字含八分篆隸二體俗謂之開元通寶其錢徑八分重十二銖積十錢僅重一兩得重輕大小之中今開元通寶錢縵有文如初月者談賓錄曰武德初行開元通寶錢初進樣時文德皇后摺一粉甲痕因不復改鄭虔會碎云熙寧中劉筭贊青瑣高議且曰事由明皇貴妃彼徒見錢文有開元字便乃謂明皇亦不考實之過又有左桃開元錢雙

桃開元錢篆字開元錢封寅曰武宗會昌五年鑄開元錢時廢天下佛寺宰相李德裕請以廢寺銅鍾佛像及僧瓶碗等物命所在鑄錢楊州節度使李紳乃以所廢寺品鑄錢背加昌字以表年號又有勅令鑄錢所各加本郡州號名爲背文

京	京兆	洛	河南	興	鳳翔	梁	汴梁	荆	江陵	桂	廣西
潭	湖南	廣	廣東	福	浙東	越	浙東	洪	江西	潤	鎮江
昌	成都	鄂	湖廣	充	兗州	梓	東州	襄	襄州	丹	河北
益	西川	宣	宣州	平	燕山	楊	楊州	藍	藍田		

共貳拾參件

乾封泉寶唐會要高宗祀昊天上帝於泰山改乾封年鑄徑一寸重十二銖六分以一當十其年凡舊錢皆廢明年因穀價湧貴商賈不行又明年詔罷之仍行開元錢洎乾封泉寶唐肅宗乾元二年第五錡請鑄小錢徑寸每緡重十斤與開元通寶參用以一當十今有折二錢又有小錢第五錡復爲相命鑄重輪乾元錢徑一寸四分重十二銖其文承目背之外廓爲之重輪又爲之重稜每緡重十二斤以一當五十

法既屢易物貨騰湧米斗錢至七十餓死者滿道上元元年減重輪錢一當二十開元舊錢與乾元錢皆以一當十代宗卽位乾元小錢一當二重輪大錢一當三元載作相凡大小錢皆以一當一唐書謂之重窺錢今有當三折二小錢

大曆元寶唐代宗鑄

建中通寶唐德宗鑄

天成元寶後唐明宗年號至德年間安慶緒亦改元天成未知鑄錢否

天福鎮寶晉氏舊史以爲趙石晉所鑄

漢元通寶後漢劉知遠年號

周元通寶後周世宗毀天下銅佛鑄

以上錢係大唐至於五代末所鑄共四十二樣

僭僞錢

得一元通寶唐史思明僭鑄

順天元寶見上

保大元寶江南王璟鑄

唐國通寶

大唐通寶南唐世家鑄五代史不載又有錢子

天感元寶未詳所鑄之地

壽昌元寶遼道宗壽昌年鑄

大興平寶錢之鏝有丁字疑五代僭爲錢也

大德重寶僞殷王建所鑄之鏝有殷字者

乾亨重寶僞漢劉儼所鑄

永平元寶前僞蜀王建鑄

通政元寶

天漢元寶

光天元寶俱同上

乾德通寶前僞蜀王衍鑄

咸康元寶前僞蜀王衍鑄

廣政通寶前僞蜀孟果改元

以上係唐末并五代間僭僞所鑄共二十四樣
北地錢

乾亨通寶宋太平興國七年耶律隆序鑄
統和元寶宋太平興國八年耶律隆序鑄

太平元寶宋天禧五年耶律隆序鑄

清寧通寶宋至和二年耶律隆序鑄

咸雍通寶宋治平二年耶律洪基鑄

大康元寶宋寧熙七年耶律洪基鑄

大康通寶同上

大安元寶宋神宗元豐七年洪基鑄

乾通元寶徽宗崇寧元年延基鑄

天慶元寶宋政和二年契丹國主在燕山府鑄

阜昌重寶宋高宗建炎四年知濟南府劉豫叛降金人以山東河南陝西爲濟國立豫僭號改元

阜昌以上並載于聖政錄及見紀年通譜

大定元寶金世宗鑄錢有甲酉字

正隆元寶金海陵王鑄於大元府

以上係北地錢共一十三樣

三韓重寶楷書一樣

東國通寶楷書篆二樣

東國重寶

海東通寶貢書

以上係海東番錢共八樣董邁錢譜引徐氏曰又有屋駝國錢徑七分厚薄肉好不異中夏敦素曰

字文若梵書凡十樣

宋朝錢

聖宋元寶

宋太祖鑄

宋元通寶

同上

太平通寶

宋太宗鑄

至道元寶

宋真宗鑄

淳化元寶

咸平元寶

景德元寶

太中通寶

祥符通寶

天禧通寶

已上宋真宗鑄

天聖元寶

景祐元寶

皇宋通寶

慶歷重寶

明道元寶

至和通寶

至和元寶

嘉祐元寶

治平元寶

嘉祐通寶

已上宋仁宗鑄

熙寧元寶

元豐通寶

神宗鑄

紹聖通寶

元符通寶

已上宋哲宗鑄

崇寧通寶

徽宗年號

崇寧重寶

大觀通寶

政和通寶

重和通寶

宣和通寶

宣和元寶

靖康元寶

欽宗年號

靖康通寶

建炎通寶

高宗年號

建炎元寶

建炎重寶

紹興元寶

乾道元寶

淳熙元寶

熙寧元寶

光宗年號

慶元通寶

寧宗年號

嘉泰元寶

開禧元寶

開禧通寶

嘉定元寶

大宋通寶

理宗年號

紹定通寶

端平元寶

端平通寶

嘉熙元寶

淳祐元寶

景定元寶

開慶元寶

德祐元寶

度宗年號

已上係宋朝錢共一百三十五樣

元朝錢鈔

中統元寶

世祖造

至元中行寶鈔

至大銀鈔

武宗造

至大通寶

武宗造

皇慶通寶

仁宗

至治通寶

英宗

至和通寶

至正通寶

順帝年號

已上元朝鈔三樣錢一十四樣

泉志

宋 洪遵

正用品

虞錢 夏錢 商錢 周錢 景王錢 齊錢 晉
錢 楚錢 趙錢 秦錢 秦半兩錢 漢莢錢
八銖錢 四銖錢 三銖錢 半兩錢 五銖錢
鍾官赤側錢 後漢五銖錢 四出文錢 魏五銖
錢 蜀直百錢 直百五銖錢 傳形五銖錢 吳
大泉五百錢 大泉當千錢 宋四銖錢 當兩大

錢 孝建四銖錢 二銖錢 景和錢 鵝眼錢

梁五銖錢 公式女錢 五銖鐵錢 大吉鐵錢

大通鐵錢 大富鐵錢 當十錢 四柱錢 陳五

銖錢 大貨六銖錢 後魏太和五銖錢 五銖錢

永安五銖錢 永安上字錢 西魏五銖錢 東

魏永安五銖錢 北齊常平五銖錢 後周布泉錢

大布錢 永通萬國錢 隋白錢 唐開元錢

乾封錢 乾元十當錢 重輪錢 小乾元錢 大

曆錢 開元大錢 建中錢 新開元錢 咸通錢

錢

僞品

後唐天成錢 晉天福錢 漢漢通錢 周周通

錢

項梁大錢 吳王濞半兩錢 鄧通半兩錢 王莽
大錢 小錢 貨泉錢 公孫述鐵錢 董卓小錢
五銖錢 沈充小錢 張軌五銖錢 王則河陽
錢 史思明得壹錢 順天錢 李景永通錢 開
元鐵錢 唐國錢 大唐錢 王建永平錢 通正
錢 天漢錢 光天錢 王衍乾德錢 咸康錢

泉志

八

二

孟昶廣故錢 鐵錢 劉龜乾亨錢 鉛錢 馬殷
乾封錢 天策錢 錢倣錢 王審知鉛錢 開元
鐵錢 王延義永隆錢 王延政天德錢 馮洪大
興錢 劉仁恭土錢 劉守光應天錢

不知年代品

平當五銖錢 大泉四出錢 大泉五銖錢 雙五
五銖錢 左右五銖錢 太元貨泉錢 通行貨銖
錢 兩銖錢 繢銖錢 兩柱錢 女錢 雉錢
對文錢 五銖錢 定平錢 傳形半兩錢 太平

四錢 兩嗇錢 一文錢 四曲文錢 永光錢
五金錢 太朝錢 天鎮錢 萬歲錢 大興錢
大千錢 天感錢 太興錢 古錢 古文錢 三
字錢 千字錢 黃河錢

天品

天帝錢 寶錢 咸陽錢 金五銖錢 五銖錢
刀布品
白金三品 契刀 錄刀 大布 次布 第布
壯布 中布 差布 厚布 幼布 約布 小布

貨布 大黃布刀 古布刀 蒙城古刀 長平
古刀 淄州銀刀 長平異布 異布 異布
布 異布 異布 異布 異布 異布 異布
異布 異布 異布 異布 異布 異布 異布
鼻錢 古銅片

外國品

罽賓國錢 烏弋山離國錢 安息國錢 大月氏
國錢 泥婆羅國錢 何國錢 康國錢 拔汗國
錢 條支國錢 拂菴國錢 大食國錢 因墀國

天壽錢 日本國和同錢 神功錢 萬年錢 隆
平錢 乾文錢 屋駛國梵書錢 疎勒國大五銖
錢 龜茲國五銖錢 吐蕃國胡字錢 倭國延喜
錢 梵字錢 契丹國天贊錢 應曆錢 重熙錢
清寧錢 大康錢 大安錢 壽昌錢 乾統錢
天慶錢 千秋錢 高麗國海東錢 三韓錢
東國錢 閻婆國梵書錢 交趾國黎字錢 大秦
國錢 三佛齊國錢 佛涅國錢 東沃沮國錢
新羅國錢 高昌國錢 波斯國錢 女國錢 大

月氏國錢 小月氏國錢 中天竺國錢 于闐國
錢 投和國錢 阿耆國錢 屈支國錢 靚貨遷
國錢 梵衍那國錢 迦畢試國錢 那揭羅曷國
錢 徒駛邏國錢 室羅伐悉氏國錢 羯若鞠闍
國錢 鉢邏那伽國錢 婆羅呢斯國錢 尼波羅
羅國錢 摩突羅國錢 伊爛孥鉢伐多國錢 憇薩
康居國錢 末祿國錢 軒渠國錢 三童國錢
阿鈞羌國錢 舍補國錢 層檀國錢 裸人國

錢

碎葉國錢

驃國錢

巴氏錢

俟錢

賓錢

沙州玉錢

奇品

臺主衣庫錢 羅紋錢 翅紋錢 北斗錢 軒轅
錢 柄文錢 日月錢 井文錢 雙五錢 雙十
錢 星月錢 四五錢 八星錢 鯨文錢 兔犬
錢 明月錢 四神錢 萬國錢 龍文錢 三雀
錢 龜背錢 水波紋錢 雙星錢 玄武錢 千
秋錢 龍鳳重輪錢 雙鳳錢 雙魚錢 四事錢

單面龍鳳錢 龍鳳錢 藕心錢

神品

輕影錢 清水錢 會稽船錢 青溪宅錢 太平
錢 齊興郡錢 齊安郡錢 令公百爐錢 廣宗
郡錢 偽趙錢 軒轅錢 孫先生錢 桐城錢
白雀錢 壽春錢 應元錢 北海鐵錢 嚴君平
錢 科斗錢 鶯口洞錢

厭勝品

永安五男錢 七夕錢 福慶錢 撒帳錢 男錢
辟兵錢 千金錢 豐樂錢 君宜侯王錢 長
年錢 富錢 五男二女錢 天下太平錢

